



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-04-1243/20

Brčko, 12.10.2020. godine

## **JAVNI INTERES U POSTUPKU EKSPROPRIJACIJE NEKRETNINA UTVRĐEN SUPROTNO STATUTU BRČKO DISTRIKTA BiH**

U postupku ocjene usklađenosti pravnih akata Apelacioni sud Brčko distrikta BiH, na sjednici vijeća održanoj dana 08.10.2020. godine, donio je presudu kojom je utvrdio da Odluka Skupštine Brčko distrikta BiH o utvrđivanju javnog interesa („Službeni glasnik Brčko distrikta BiH“, broj 15/18) u vezi sa provođenjem postupka eksproprijacije radi izgradnje puta u MZ Gornja Skakava, nije donesena u skladu sa odredbom člana 13. stav (5) Statuta Brčko distrikta BiH i da prestaje važiti danom objavljivanja ove presude u „Službenom glasniku Brčko distrikta Bosne i Hercegovine“.

Ovakvu odluku sud je donio nakon što je u postupku utvrđeno da miješanje u privatnu imovinu inicijatora, koje je učinjeno predmetnom odlukom Skupštine Brčko distrikta BiH, nije bilo u skladu sa zakonom, jer ne garantuje inicijatoru zaštitu od arbitrarnosti i suprotno je principu pravne države.

U obrazloženju presude Apelacioni sud je istakao da kada već zakonom nije dozvoljeno podnošenje žalbe ili drugog pravnog lijeka protiv odluke Skupštine o utvrđivanju javnog interesa, onda se u postupku donošenja lokacijskih uslova, koji prethodi utvrđivanju javnog interesa za eksproprijaciju, vlasniku nekretnine mora omogućiti da u skladu sa načelom saslušanja stranke učestvuje u ovom postupku, kako bi na taj način mogao ostvariti i zaštititi svoja imovinska prava i interese.

O presudi Apelacionog suda Brčko distrikta BiH detaljnije se možete informisati putem službenog web portala <https://apsud-brckodistriktbih.pravosudje.ba/> na kojem je ista dostupna za preuzimanje.

**PORTPAROL**  
**PRAVOSUDNE KOMISIJE**  
Dejan Đurović